

# Vijana washauriwa kutunza mazingira

Darlin Said na Angelina Mganga

**V**IJANA waliopo shulenii  
wameshauriwa kufikisha  
ujumbe kwa vijana wenzao  
kuhusiana na utunzaji wa  
mazingira ili kupunguza madhara  
yatokanayo na uharibifu huo.

Hayo yalisemwa jana Dar es Salaam na Naibu Balozi wa Ujerumanini, Bw.Hans Koeppel nchini katika uzinduzi wa kitabu kipyacha Civic Education Teachers Association (CETA), pamoja na Konrad Adenauer Stiftung kinachoeleza chanzo cha mabadiliko ya hali ya hewa na athari zake katika maendeleo ya kijamii na uchumi Tanzania.

Bw.Koeppel alisema mabadiliko ya hali ya hewa yanachangia kuharibu kwa kiasi kikubwa maendeleo ya nchi zote duniani.

"Hivyo kupitia kitabu hiki wanafunzi watafaidika kujua chanzo,mikakati na jinsi gani wataweza kupambana na tatizo la uharibifu wa mazingira, " alisema Bw.Koeppel.

Naye Mgeni rasmi Katibu Mkuu Ofisi ya Makamu wa Rais Bw.Ngosi Mwiava alisema Serikali imejipanga ipasavyo kuzifanyia kazi changamoto mbalimbali zinazopelekea uharibifu wa mazingira hapa nchini.

"Mabadiliko ya hali ya hewa yanaathari kwa kiasi kikubwa kizazi kilichopo na kijacho hivyo wakati umefika kwa Serikali na wadau wengine kutoa elimu ya kutosha kwa jamii kuhusu utunzaji wa mazingira,"alisema Bw.Mwiava.